



章蘇州集卷第七



章蘇州集卷第八

雜興

詠玉

乾坤有精物至寶無文章雕琢爲世器真性一朝陽

傳一作

詠露珠

秋荷一滴露清夜墜玄天將來玉盤上不定始知圓

章蘇州集

卷八

四十九

詠水精

映物隨顏色含空無表裏持來向明月的皦愁成水

詠珊瑚

絳樹無花葉非石亦非瓊世人何處得蓬萊石上生

詠瑠璃

有色同寒水無物隔纖塵象筵看不見堪將對玉人

詠琥珀

曾爲老茯神本是寒松液蚊蚋落其中千年猶可覲

詠曉

軍中始吹角城上河初落深沉猶隱帷晃朗先分閣

詠夜

明從何處去暗從何處來但覺年年老半是此中催

詠聲

萬物自生聽一作自大空恒寂寥還從一作應靜中起却向靜中

消

任洛陽丞請告一首

方鑿不受圓直木不爲輪揆才各有用反性生苦辛折  
腰非吾事飲水非吾貧休告臥空館養病絕囂塵遊魚

章蘇州集

卷八

五十

自成族野鳥亦有群家園杜陵下千歲心氛氲天晴嵩  
山高雪後河洛春喬木猶未芳百草日已新著書復何  
爲當去東臯耘

縣齋

仲春時景好草木漸舒榮公門且無事微雨園林清泱  
泱水泉動忻忻衆鳥鳴閑齋始延矚東作興庶曠卽事  
翫文墨抱冲披道經於焉日淡泊徒使芳樽盈

晚出府舍與獨孤兵曹令狐工曹南尋朱雀街

歸里第

分曹幸同簡聯騎方愜素還從廣陌歸不覺青山暮翻  
翻鳥未沒杳杳鍾猶度尋草遠無人望山多枉路聊叅  
世士跡嘗得靜者顧出入雖見牽忘身緣所一作晤

休暇東歸

由來束帶士請謁無朝暮公暇及私身何能獨閑步摘  
葉愛芳在捫竹憐粉污岸幘偃東齋夏天清曉露懷仙  
閣真誥貽友題幽素榮達頗知疎恬然自成度綠苔日  
已滿幽寂誰來顧

夜直省中

韋蘇州集

卷八

五十一

河漢有秋意南宮生早涼玉漏殊杳杳雲闕更一作蒼蒼  
華燈發新燄輕一作烟浮夕香顧跡知爲忝束帶愧周行

郡內閑居

棲息絕塵侶孱鈍得自怡腰懸竹使符心與一作廬山緇  
永日一酣寢起坐兀無思長廊獨看雨衆藥發幽姿今  
夕已云罷明晨復如斯何事能爲累寵辱豈要辭

燕居卽事

蕭條竹林院風雨叢蘭折幽鳥林上啼青苔人跡絕燕  
居日已永夏木紛成結几閣積群書時來北窗閱

幽居

貴賤雖異等出門皆有營獨無外物牽遂此幽居情微  
雨夜來過不知春草生青山忽已曙烏雀繞舍鳴時與  
道人偶或隨樵者行自當安蹇劣一作拙誰謂薄世榮

野居書情

世事日可見身各良蹉跎尚瞻白雲嶺聊作負薪歌

郊居言志

負暄衡門下望雲歸遠山但要樽中物餘事豈相關交  
無是非責且得任疎頑日夕臨清澗逍遙思慮閑出去

章蘇州集

卷八

五十二

唯空屋弊簣委窗間何異林棲鳥戀此復來還世榮斯  
獨已頽志一作思亦何攀唯當歲豐熟閭里一歡顏

夏景端居卽事

北齋有涼氣嘉樹對層城重門永日掩清池夏雲生遇  
此庭訟簡始聞蟬初鳴逾懷故園愴默默以緘情

始至郡

湓城古雄郡一作鎮橫江千里馳一作池高樹上迢遞峻嶻繞欽

危井邑烟火晚郊原草樹滋洪流蕩一作薄北吐崇嶺鬱南

圻斯民本樂生逃逝竟何爲旱歲屬荒歉舊逋積如坻

到郡方逾月終朝理亂絲賓朋未及醺簡牘已云疲昔  
賢播高風得守媿無施豈待于戈戢且願撫惇嫠

郡中西齋

似與塵境一作世絕蕭條齋舍秋寒花獨經兩山禽時到州

清觴養真氣玉書示道流豈將符守戀幸以棲心幽

新理西齋

方將吐訟理久翳西齋居草木無行次閑暇一芟除春  
陽土脉起膏澤發生初養條刊朽枿護藥鋤穢一作荒蕪稍

稍覺林聳歷歷忻竹疎始見庭宇曠頓令煩抱舒茲焉

韋蘇州集 卷八

五十三

即可愛何必是吾廬

曉坐西齋

寥寥城鼓動稍稍林鷗去柳意不勝春巖光已知曙寢

齋有單梯一作茅靈藥爲朝茹盥漱忻景清焚香澄神慮公

門自常事道心寧易一作異處

郡齋臥疾絕句

香爐宿火滅蘭燈宵影微秋齋獨臥病誰與覆寒衣

寓居永定精舍 蘇州

政拙忻罷守閑居初理生家貧何由往夢想在京城野

寺霜露月農興羈旅情聊租二頃田方課子弟耕眼暗  
文字廢身閑道心精卽與人群遠豈謂是非嬰

永定寺喜辟強夜至

子有新歲慶獨此苦寒歸夜叩竹林寺山行雪滿衣深  
爐正燃火空齋共掩扉還將一樽對無言百事違

野居

結髮屢辭秩立身本疎慢今得罷守歸幸無世欲患棲  
止且偏僻嬉遊無早晏逐兔上坡岡捕魚緣赤一作石澗高  
歌意氣在貰酒貧居慣時啟北窗扉豈將文墨間

韋蘇州集

卷八

五十四

同褒子秋齋獨宿

山月皎如燭風霜時動竹夜半鳥驚棲窗間人獨宿

餌黃精

靈藥出西山服食採其根九蒸換凡骨經著上世言候  
火起中夜馨香滿南軒齋居感衆靈藥術啟妙門自懷  
物外心豈與俗士論終期脫印綬永與天壤存

昭國里第聽元老師彈琴

竹林高宇霜露清朱絲玉徽多故情暗識啼鳥與別鶴  
祇緣中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷淚將落  
南朝曲中怨更多

樓中閱清管

山陽遺韻在林端橫吹驚響迴一作憑高閣曲怨繞秋城

浙瀝危葉振蕭瑟涼氣生始遇茲管賞已懷故園情

寒食

清明寒食好春園百卉開綵繩拂花去輕毬度閣來長  
歌送落日緩吐一作吹遂殘杯非關無燭罷良爲羈思催

韋蘇州集

卷八

五十五

七夕

人世拘形迹別去問山川豈意靈仙隅相望亦彌年夕  
衣清露濕晨駕秋風前臨權定不住當爲何所牽

九日

今朝把酒復惆悵憶在杜陵田舍時明年九日知何處  
世難還家未有期

秋夜

暗窗涼葉動秋天一作齋寢席單憂人半夜起明月在林端  
一與清景遇每憶平生歡如何方惻愴披衣露更一作寒



秋夜一絕

高閣漸凝露涼葉稍飄闌憶在南宮直夜長鍾漏稀

滌城對雪

晨起滿闌雪憶朝闈闔時玉座分曙早金爐上烟遲飄  
散雲臺下凌亂桂樹姿厠跡鴛鴦<sup>一作</sup>末蹈舞豐年期今  
朝覆山郡寂寞復何爲

雪中

空堂歲已晏密室獨安眠壓篠夜偏積覆閣曉逾妍連  
山暗古郡驚風散一川此時騎馬出忽省<sup>一作</sup>京華年  
憶

韋蘇州集 卷八

五十六

詠春雪

徘徊輕雪意似借艷陽時不悟風花冷翻令梅柳遲

對春雪

蕭屑杉松聲寂寥寒夜慮州貧人吏稀雪滿山城曙春  
塘看幽谷栖禽愁未去開闌正亂流寧辨花枝處

對殘燈

獨照碧窗久欲隨寒燼滅幽人將遽眠解帶翻成結

對芳樽

對芳樽醉來百事何足論遙見青山始一醒欲著接羅

還復昏

夜對流螢作

月暗竹亭幽螢光拂席流還思故園夜更度一年秋自  
愜觀書興何慙秉燭遊府中徒冉冉明發好歸休

對新篁

新綠苞初解嫩氣筍猶香含露漸舒葉抽叢稍自長清  
晨止亭下獨愛此幽篁

夏花明

夏條綠已密朱萼綴明鮮炎炎日正午灼灼火俱燃翻

韋蘇州集

卷八

五七

風適自亂照水復成妍婦視窗間字熒煌滿眼前

對萱草

何人樹萱草對此郡齋幽本是忘憂物今夕一作重生憂

叢踈露始滴芳餘蝶尚留還思杜陵圃離披風雨秋

見紫荊花

雜英紛已積含芳獨暮春還如故園樹忽憶故園人

翫螢火

時節變衰草物色近新秋度月影纔斂繞竹光復流

對雜花

朝紅爭景新

一作鮮

夕素含露翻妍姿如有意流芳復滿園

單棲守遠郡永日掩重門不與花爲偶終遣與誰言

種藥

好讀神農書多識藥草名持縑購山客移蔣羅衆英不  
改幽澗色宛如此地生汲井旣蒙澤挿援亦扶傾陰頰  
夕房歛陽條夏花明悅翫從茲始日夕繞庭行州民自  
寡訟養閑非政成

西澗種柳

宰邑乖所願僂俛愧昔人聊將休暇日種柳西澗濱置

韋蘇州集

卷八

五十八

鍾息微倦臨流睇歸雲封壤自人力生條在陽一作王春成

陰豈自取爲茂屬佗辰延詠留佳賞

一作實

山水變夕曛

種瓜

率性方鹵莽理生尤自疎今年學種瓜園圃多荒蕪衆  
草同雨露新苗獨翳如直以春拏一作拏迫過時不得鋤田  
家笑枉費日夕轉空虛信非吾儕事且讀古人書

喜園中茶生

潔性不可汙爲飲滌塵煩此物信靈味本自出山原聊  
因理郡餘率爾植荒園喜隨衆草長得與幽人言

移海榴

葉一作  
葉

有苦寒色山中霜霰多雖此蒙陽景移根意如何

郡齋移杉

權幹方數尺幽姿已蒼然結根西山寺來植郡齋前  
新舍野露氣稍靜高窗眠雖爲賞心遇豈有巖中緣

花徑

山花夾徑幽古甃生苔澁胡床理事餘玉琴承露濕朝  
與詩人賞夜携禪客入自是塵外蹤無令吏趨急

慈恩寺南池秋荷詠

韋蘇州集

卷八

五十九

對殿含涼氣裁規覆清沼衰紅受露多餘馥依人少蕭  
蕭遠塵跡颯颯凌秋曉節謝客來稀迴塘方獨遶

題桐葉

參差剪絲綺蕭灑覆瓊柯憶在灋東寺偏書此葉多

題石橋

遠學臨海嶠橫此葍苔石郡齋三四峰如有靈仙

一作  
山跡

方愁暮雲滑始照寒池碧自與幽人期逍遙竟朝夕

池上

郡中臥病久池上一來賒榆柳飄枯葉風雨倒橫查

滁州西澗

獨憐幽一作草澗邊生一作行

上有黃鸝深樹鳴春潮帶雨晚

來急野渡無人舟自橫

西塞山

勢從千里奔直入江中斷嵐橫秋塞雄地束驚流滿

山耕叟

蕭蕭垂白髮默默詎知情獨放寒林燒多尋虎跡行暮  
歸何處宿來此空山耕

上方僧

韋蘇州集

卷八

六十

見月出東山上上方高處禪空林無宿火獨夜汲寒泉不  
下藍溪寺今年一作來三十年

烟際鍾

隱隱起何處迢迢送落暉蒼茫隨思遠蕭散逐一作烟微  
秋野寂云一作方晦望山僧獨歸

始聞夏蟬

徂夏暑未晏蟬鳴景已曛一聽知何處高樹但侵雲響  
悲遇衰齒節謝屬離群還憶郊園日獨向澗中聞

射雉

走馬上東岡朝日照野田野田雙雉起翻射斗迴鞭雖  
無百發中聊取一笑妍羽分繡臆碎頭一作頭施錦鞞懸方  
將悅羈旅非關學少年弋弓一長嘯憶在灞城阡

夜聞獨鳥啼

失侶度山覓投林舍北啼今將獨夜意偏知對影棲

述園鹿

野性本難畜翫習亦逾年麕斑始力直麕角已蒼然仰  
首嚼園柳俯身飲清泉見人若閑暇歷起忽低騫茲獸  
有高貌凡類寧比肩不得遊山澤跼促誠可憐

韋蘇州集

卷八

六十一

聞雁

故園眇何處歸思方悠哉淮南秋雨夜高齋聞雁來

子規啼

高林滴露夏夜清南山子規啼一聲隣家孀婦抱兒泣

我獨展轉何時明

一作爲情

始建射侯

男子本懸弧有志在四方虎竹忝明命熊侯始張皇賓  
登時事畢諸將備戎裝星飛的屢破鼓譟武更揚曾習  
鄒魯學亦陪鴛鴦翔一朝願投筆世難激中腸

仙人祠

倉岑古仙子清廟闕華容千載去寥廓白雲遺舊蹤  
歸來灞陵上猶見最高峰

韋蘇州集卷第八

韋蘇州集卷第九

歌行上

長安道

韋蘇州集

卷九

六十二

漢家宮殿合雲烟兩宮十里相連延晨霞出沒弄丹闕  
春雨依微自甘泉春雨依微春尚早長安貴遊愛芳草  
寶馬橫來下建章香車却轉避馳道貴遊誰最貴衛霍  
世難比何能蒙主恩幸遇邊塵起歸來甲第拱皇居朱  
門峩峩臨九衢中有流蘇合歡之寶帳一百二十鳳凰  
羅列含明珠下有錦鋪翠被之粲爛博山吐香五雲散  
麗人綺閣情飄飄頭上鴛鴦雙翠翹  
五鬟曳袖迴春雲聚黛一聲愁碧霄  
山珍海錯弃藩籬烹鱗烹羔如折葵  
既請列侯封部曲還將金印授盧兒  
歡榮若此何所苦

但苦白日西南馳

行路難

一云連環歌

荆山之白玉今良工凋琢雙環連月蝕中央鏡心穿故人贈妾初相結恩在環中尋不絕人情厚薄苦須臾昔似連環今似玦連環可碎不可離如何物在人自移上客勿遽歡聽妾歌路難旁人見環環可憐不知中有長恨端

橫塘行

妾家住橫塘夫婿邨家郎玉盤的歷雙

一作欠

白魚湘簾玲

韋蘇州集

卷九

六十三

瓏透象牀象牀可寢魚可食不知郎意何南北岸上種蓮豈得生池中種槿豈得成丈夫一去花落樹妾獨夜長心未平

貴遊行

漢帝外家子恩澤少封侯垂楊拂白馬曉日上青樓上有顏如玉高情世一作非無儔輕裾含碧烟窈窕似雲浮良時無還景促節爲我謳忽聞艷陽曲四坐亦已柔賓友仰稱歎一生何所求平明擊鍾食入夜樂未休風雨憊歲候兵戈橫九州焉知坐上客草草心所憂



酒肆行

豪家沽酒長安陌一旦起樓高百尺碧疏玲瓏含春風  
銀題彩幟邀上客迴瞻丹鳳闕直視樂遊苑四方稱賞  
名已高五陵車馬無近遠晴景悠揚三月天桃花飄俎  
柳垂筵繁絲急管一時合他壚隣肆何寂然主人無厭  
且專利百斛須臾一壺費一作囊初釀後薄爲大偷飲者知  
名不知味深門潛醞客來稀終歲醇醲味不移長安酒  
徒空擾擾路旁過去那得知

相逢行

韋蘇州集

卷九

六十四

二十登漢朝英聲邁今古適從東方來又欲謁明主猶  
酣新豐酒尚帶灞陵雨邂逅兩相逢別來間寒暑寧知  
白日晚暫向花間語忽聞長樂鍾走馬東西去

烏引雛

日出照東城春烏鷗雛和鳴雛和鳴羽猶短巢在深  
林春正寒引飛欲集東城暖群鷗離礎睥睨高舉翅不  
不及墜蓬蒿雄雌來去飛又引音聲上下懼鷹隼引雛  
烏忝心急急將何如何得比日搜索雀知噉爾雛

烏奪巢

野鵲野鵲巢林梢，鷓鴣恃力奪鵲巢。吞鵲之肝啄鵲腦，  
竊食偷居常自保。鳳凰五色百鳥尊，知鷲爲害何不言。  
霜鷓野鷓得殘肉，同啄羶腥不肯逐。可憐百鳥生一作終縱  
橫，雖有深林何處宿。

鸞啣泥

啣泥鸞聲嘍嘍尾，涎涎秋去何所歸。春來復相一作紫見，豈

不解決絕高飛碧。雲裏何爲地上啣泥滓，啣泥雖賤意  
有營。杏梁朝日巢欲成，不見百鳥畏人林。野宿翻遭網  
羅俎，其肉未若啣泥入華屋。鸞啣泥百鳥之智，莫與齊

章蘇州集

卷九

六十五

鞞鼓行

淮海生雲暮慘澹，澹廣陵城頭鞞鼓暗。寒聲坎坎風動邊，  
忽似孤城萬里絕。四望無人烟，又如虜騎截遼水。胡馬  
不食仰朔天，座中亦有燕趙士。聞鞞不語客，心死何況  
鰥。孤火絕無晨炊，獨婦夜泣官有期。

古劍行

千年土中兩刃鐵，土蝕不入金星滅。沉沉青脊鱗甲滿，  
蛟龍無足蛇尾斷。忽欲動中有靈豪，士得之敵國寶。仇  
家舉意半夜鳴，小兒女子不可近。龍蛇變化此中隱，夏

雲奔走雷闐闐恐成霹靂飛上天

金谷園歌

石氏滅金谷園中水流絕當時豪右爭驕侈錦爲步障  
四十里東風吹花雪滿川紫氣凝閣朝景妍洛陽陌上  
人迴首絲竹飄飄入青天晉武平吳恣歡燕餘風靡靡  
朝廷變嗣世衰微誰肯憂二十四友日日空追遊追遊  
詎可足共惜年華促禍端一發埋恨長百草無情春自綠

溫泉行

出身天寶今年幾頑鈍如錐一作命如紙作官不了却來

韋蘇州集

卷九

六十六

歸還是杜陵一男子北風慘慘投溫泉忽憶先皇遊幸  
年身騎廐馬引天仗直入華清列御前玉林瑤雪滿寒  
山上昇玄閣遊絳烟平明羽衛朝萬國車馬合沓溢四  
鄠蒙恩每浴華池水扈獵不蹂渭北田朝廷無事共歡  
燕美人絲管從九天一朝鑄鼎降龍馭小臣髯絕不得  
去今來蕭瑟萬井空唯見蒼山起烟霧可憐蹭蹬失風  
波仰天大叫無奈何弊裘羸馬凍欲死賴遇主人杯酒多

學仙

昔有道士求神仙靈真下試心確然千鈞巨石一髮懸

臥之石下十三年存道忘身一試過名秦玉皇乃升天  
雲氣冉冉漸不見留與弟子但精堅

石上鑿井欲到水情心一起中路止豈不見古來三人  
俱弟兄結茅深山讀仙經上有青冥倚天之絕壁下有  
颼颼萬壑之松聲仙人變化爲白鹿二弟翫之兄誦讀  
讀多七過可乞言爲子心精得神仙可憐二弟仰天泣  
一失毫釐千萬年

廣陵行

雄藩鎮楚郊地勢鬱苕蕘雙旌擁萬戟中有霍嫫姚海

章蘇州集

卷九

六十七

雲助兵氣寶貨益軍饒嚴城動寒角晚騎踏霜橋翁習  
英豪集振奮士卒驍列郡何足數趨拜等卑寮日晏方  
云罷人逸馬蕭蕭忽如京洛間遊子風塵飄歸來視寶  
劍功名豈一朝

萼綠華歌

有一人兮昇紫霞書名玉牒兮萼綠華仙容矯矯兮雜  
瑤珮輕衣重重兮蒙絳紗雲雨愁思兮望淮海鼓吹蕭  
條兮駕龍車世淫濁兮不可降胡不來兮玉斧家

王母歌

一六五  
女歌

衆仙翼神母羽蓋隨雷一作雲起上遊玄極杳冥中下看東  
海一杯水海畔種桃經幾時千年開花千年子玉顏  
眇何處尋世上茫茫人自死

馬明生遇神女歌

學仙貴功亦貴精神女變化感馬生石壁千尋啟雙檢  
中有玉堂一作牀鋪玉簾立之一隅不與言玉體安隱三日  
眠馬生一立心轉堅知其丹白蒙哀憐安期先生來起  
居請示金鑑玉佩天皇書神女呵責不合見仙子謝過  
手足戰大瓜玄棗冷如冰海上摘來朝霞凝賜仙復坐  
章蘇州集 卷九 卒八

石鼓歌

周宣大獵今岐之陽刻石表功今煒煌煌石如鼓形數  
止十風雨缺訛苔蘚澁今人濡紙脫其文旣擊旣埽白  
黑分忽開滿卷不可識驚潛動蟄走云云喘逶迤相糺  
錯乃是宣王之臣史籀作一書遺此天地間精意長存  
世冥寞秦家祖龍還刻石碣石之罘李斯跡世人好古  
猶法傳持來比此殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚之鶴之衆皆蓬蒿下  
爾自三山來意三山處子下人間綽約不裝冰雪顏仙  
鳥隨飛來掌上來掌上時拂拭人心鳥意自無猜玉詣  
霜毛本同色有時一去凌蒼蒼朝遊汗漫暮玉堂巫峽  
雨中飛暫濕杏花林裏過來香日夕依人一作全羽翼立  
空欲銜環非報德豈不及阿母之家青鳥兒漢宮來往  
傳消息

彈碁歌

章蘇州集

卷九

六十九

圓天方地局二十四氣子劉生絕藝難對曹客爲歌其  
能請從中央起中央轉闢破欲闌零落勢背誰能彈此  
中舉一得六七旋風忽散霹靂疾履機乘變安可當置  
之死地翻取強不見短兵反掌收已盡唯有猛士守四  
方四方又何難橫擊上緣邊豈如昆明與碣石一箭飛  
中隔遠天神安志愜動十全滿堂驚視誰得然

章蘇州集卷第九

韋蘇州集卷第十

歌行下

聽鶯曲

東方欲曙花冥冥啼鶯相喚亦可聽乍去乍來時近遠  
纔聞南陌又東城忽似上林翻下苑綿綿蠻蠻如有情  
欲嘯不嘯意自嬌羞兒弄笛曲未調前聲後聲不相及  
秦女學箏指猶一作尤澁須臾風暖朝日暎流音變作百鳥  
喧誰家懶婦驚殘夢何處愁人憶故園伯勞飛過聲踟  
促戴勝下時桑田綠不及流鶯日日啼花間能使萬家  
韋蘇州集 卷十 七十

鏤千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹滿朝豪士今已盡  
欲話舊遊人不知白沙亭上逢吳叟愛客脫衣且沽酒  
問之執戟亦先朝零落艱難却負樵親觀文物蒙雨露  
見我昔年侍丹霄冬狩春祠無一事歡遊洽宴多頒賜  
嘗陪夕月竹官齋每返溫泉灞陵醉星歲再周十二辰  
爾來不語人爲君盛時忽去良可恨一生坎壈何足云

送褚校書歸舊山歌

握珠不返泉匣玉不歸山明皇重士亦如此忽得褚生  
何得還方稱羽獵賦未拜蘭臺職漢篋亡書已暗傳嵩  
丘遺簡還能識朝朝待詔青鑰闢中有萬年之樹蓬萊  
池世人仰望棲此地生獨徘徊意何爲故山可往薇可  
採一自人間星歲改藏書壁中苔半侵洗藥泉中月還  
在春風飲餞灞陵原莫厭歸來朝市喧不見東方朔避  
世從容金馬門

五弦行

韋蘇州集

卷十

七十二

美人爲我彈五弦塵埃忽靜心悄然古刀幽磬初相觸  
千珠貫斷落寒玉中曲又不喧徘徊夜長月當軒如伴  
風流縈艷雪更逐落花飄御園獨鳳寥寥有時隱碧霄  
來下聽還近燕姬有恨楚客愁言之不盡聲能盡末曲  
感我情解幽釋結和樂生壯士有仇未得報拔劍欲去  
憤已平夜寒酒多愁遽明

驪山行

君不見開元至化垂衣裳厭坐明堂朝萬方訪道靈山  
降聖祖沐浴華池集百祥千乘萬騎被原野雲霞草木



相輝光禁仗圍山曉霜切離宮積翠夜漏長玉堦寂歷  
朝無事碧樹萎蕤寒更芳三清小島傳仙語九華真人  
奉瓊漿下元昧爽漏一作編恒秩登山朝禮玄元室翠華稍  
隱天半雲丹閣光明海中日羽旗旄節憇瑤臺清絲妙  
管從空來萬井九衢皆仰望彩雲白鶴方徘徊憑高覽  
古或作望嗟寰宇造化茫茫思悠哉秦川八水長繚繞漢氏  
五陵空崔嵬乃言聖祖奉丹經以年爲日億萬齡蒼生  
感壽陰陽泰高謝前王出塵外英豪共理天下晏戎夷  
讐伏兵無戰時豐賦歛未告勞海闊珍竒亦來獻干戈

韋蘇州集

卷十

七十二

一起文武乖歡娛已極人事變聖皇弓劍墜幽泉古木  
蒼山閉官殿纘承鴻業聖明君威震六合驅妖氛太平  
遊幸今可待湯泉嵐嶺還氛氲

漢武帝雜歌三首

漢武好神仙黃金作臺與天近王母摘桃海上還感之  
西過聊問訊欲來不來夜未央殿前青鳥先徊翔綠鬢  
縈雲裾曳霧雙節飄飄下仙步白日分明到世間碧空  
何處來時路玉盤捧桃將獻君踟蹰未去留彩雲海水  
桑田幾翻覆中間此桃四五熟可憐穆滿瑤池燕正值

花開不得薦花開子熟安可期邂逅能當漢武時顏如  
芳華潔如玉心念我皇多嗜欲雖留桃核桃有靈人間  
糞土種不生由來在道一作德豈在藥徒勞方士海上行掩  
扇一言相謝去如烟非烟不知處

金莖孤峙兮凌紫烟漢宮美人望杳然通天臺上月初  
出承露盤中珠正圓珠可飲壽可永武皇南面曙欲分  
從空下來玉杯冷世間綵翠亦作囊八月一日仙人方  
仙方稱上藥靜者服之常綽約栢梁沉飲自傷神猶聞  
駐顏七十春乃知甘醲皆是腐腸物獨有淡薄之水能  
韋蘇州集 卷十 七十三

益人千載金盤竟何處當時鑄金恐不固蔓草生來春  
復秋碧天何言空墜露

漢天子觀風自南國浮世大江屹不前蛟龍索鬪風波  
黑春秋方壯雄武才彎弧叱浪連山開愕然觀者千萬  
衆舉麾齊呼一矢中死蛟浮出不復靈舳艫千里江水  
清鼓聲餘響數日在天吳深入魚鱉驚左有飲飛落霜  
翻右有孤兒貫犀革何爲臨深親射蛟示威以奪諸侯  
魄威可畏皇可尊平田校獵書猶陳此日從臣何不言  
獨有威聲振千古君不見後嗣尊爲武

櫻欄蠅拂歌

櫻欄爲拂登君席青蠅掩一作掀亂飛四壁文如輕羅散如  
髮馬尾犖牛不能絜柄出湘江之竹碧玉寒上有織羅  
縈縷尋未絕左揮右灑繁暑清孤松一枝風有聲麗人  
純素可憐色安能黠白還爲黑

信州錄事參軍常曾古鼎歌

三年糾一郡獨飲寒泉井江南鑄器多鑄銀罷官無物  
唯古鼎彫螭一作蟲刻篆相錯蟠地中歲久青苔寒左對蒼  
山右流水云有古來葛仙子葛仙埋之何不還耕者鎗  
韋蘇州集 卷十 七十四

然得其間持示世人不知寶勸君鍊丹永壽考

夏水歌

出自玄泉杳杳之深井汲在朱明赫赫之炎辰九天含  
露未銷鑠閭闔初開賜貴人碎如墜瓊方截璐粉壁生  
寒象筵布玉壺紈扇亦玲瓏座有麗人色俱素咫尺炎  
涼變四時出門焦灼君詎知肥羊甘醴心悶悶飲此瑩  
然何所思當念闌干鑿者苦臘月深井汗如雨

凌霧行

秋成海霧重職事凌晨出浩浩合无天溶溶迷朗一作朝日

纔看含鬢白稍視一作似霑衣密道騎全不分郊樹都如失  
霏微誤噓吸膚腠生寒慄歸當飲一杯庶用蠲斯疾

樂燕行

良辰且燕樂樂往不再來趙瑟正高張音響清塵埃一  
彈和妙謳吹去繞瑤臺艷雪凌空散舞羅起徘徊輝輝  
發衆顏灼灼歎令才當喧旣無寂中飲亦停杯華燈何  
遽升馳景忽西頽高節亦云立安能滯不廻

采玉行

官府徵白丁言采藍谿玉絕嶺夜無家深榛雨中宿獨

章蘇州集

卷十

七十五

婦餉糧還哀哀一作晁舍南哭

難言

掬土移山望山盡一作還投石填海望海滿持索捕風幾時

得將刀斫水幾時斷未若不相知中心萬仞何由欸

易言

洪爐熾炭燎一毛大鼎炊湯沃殘雪疾影隨形不覺至  
千鈞引縷不知絕未若同心言一言和同解千結

調嘯詞二首

胡馬胡馬遠放燕支山下跑沙跑雪獨嘶東望西望路

迷路迷路迷路邊草無窮日暮

河漢河漢曉挂秋城漫漫愁人起望相思江南塞北別  
離別離別離離別河漢雖同路絕

三臺詞二首

一年一年老去明日後日花開未報長安平定萬國豈  
得啣盃

冰泮寒塘始綠雨餘百草皆生朝來門閭無事晚下高  
齋有情

汲古閣

七十六

韋蘇州集卷第十

